

博平縣志

地 140,295

36.15

157-267

36.2

道光辛卯仲夏鐫乙未季春續修

博平縣志

板存縣庫

原序

予視學秦中課士之暇有事秦志云間辱我



邑大夫堵公以新修志郵示徵序吾博爲彈丸邑方黃
河華嶽終南太白周秦漢唐都邑宮室之制日在目中
而覽博志不幾涉江漢而挹蹄泔登秦岱而俯培塿乎
不知地有大小所以治之者無大小則所以志之者亦
無大小一躔一次而天道存一卷一勺而地道備一民
一物之盛衰而人道見一政一事之得失而治道關苟
以志爲修訶而已乎則大不足重誠以志爲致治攸繫

序

也則小不可畧而况循堤則禹跡可追臨河則孔轍可
問登晉公子之臺而撫霸業尋唐義士之屯而識忠臣
吾邑固足雄也故堵公不以調元贊化匡王定國之偉
畧而小視博治亦卽不以衡巫雲夢瀟湘洞庭之大觀
而小視博志雖完城郭濬河渠興辟雍遑遑日不暇給
之時而集名士資賢紳因馮蘭室先生之舊本而補七
十餘年之闕文吾知公之於治志治邑不作二觀也治
邑如治志故一邑之形勢燎如指掌而無遁情治志如
治邑故入志之是非臧否輕重緩急較若畫一而無曲

狗無傳疑治已期年奏最

天子徵人司農則志之百世昭垂訓志掌之外史固可必
也已然吾更有說焉秦被山帶河古所稱沃野千里天
府之國而今且凋敝難問蓋幅員遼闊休復爲難若吾
邑無高山大川之限東西南北僅五六十里譬如茅簷
蔀屋之家父子兄弟作息相同疴癢易通第昔當齊衛
趙魏之衝今爲漕渠陸地之逕故民淳而力竭吾願後
之司牧是土者讀志而思所以捍衛之撫循之則葦年
之治可常觀而修志之意爲不虛不若余之修秦志者
序

爲廓落而無當也

康熙三年甲辰孟冬陝西督學道副使王功成書

原序

舊志纂於蘭室馮先生其論甚正其月旦至公筆法類龍門扶風史蓋博陵之狐遺書也獨怪夫志作於神宗辛卯去今七十餘年間縮墨綬來蒞茲邑者共二三十人曾未議及蓋以作述之難抑留心文教之鮮耶今漢陽堵公治博邑十事皆切中利弊民稱便其有不可者輒關白兩臺行之如所爲革陋規均徭役墾石田舉鄉飲求利弊嚴逃人平市價核錢糧寬催科禁侈靡課士子除房稅修城垣同憂樂恤驛站精聽斷理冤抑犁犁

序

一

畢舉扶衰興敝百度維新此於吏治何如者邑瀕郡爲最邇余讀禮多暇聞其治甚詳豈其舍是他求乎於是

乎書

康熙甲辰夏日太常寺少卿經筵侍講治弟任克溥頓首拜撰

重修博平縣志序

博平尹楊君星若前明大洪先生忠烈公嫡裔也以孝廉方正科出宰博陵政事修以民情愛戴蓋賢有司也辛卯歲重修邑志成以博爲東郡屬因請序於余余惟君之治博也勤聽斷案旣無訟牘之留慎比較民亦免催科之擾辛勞撫字恤民隱而悉協其情勸懇荒蕪盡土田而廣興其利以及拓廩以資膏伙時披課士之文重賞以勸農徒張見安良之意禁侈靡以厚風俗舉勸懲而通刑年類皆以實心行實政非徒託諸空言也

序

序

一

以是甫朔年而庶政舉百度維新以視漢代之所謂循良者有其過之無不及矣茲於案牘紛披之際當簿書期會之餘採訪舊聞博徵文獻條分縷晰纂續成編先官師臨蒞賢集後庸士女懿行分野疆域一展卷而

不索燦然大備舉一百七十年之闕文悉歸紀載

有百十餘人之節孝盡得表揚是可見樸實性成淵源

有自其器宇爲甚宏而大異乎俗吏之所爲矣爰論其

大要而爲之序

賜進士出身知東昌府事光州馮春暉撰

重修博平縣志序

志者誌一邑之疆域賦稅襍祥建置與夫文若獻也庚

寅春憲奉

命來守茲土披閱邑乘殘闕失次且多糢糊不可辨識蓋以舊志修於康熙三年迄今一百六十餘載板之存者僅十之二三簡篇不備鑑戒弗昭有關於世道人心者非淺因心惻者久之第以甫經到任事務冗繁未遑議及迨今春公務稍暇訪求原本兼購府志廣爲蒐羅細心校讐舉夫名賢節孝文物典章凡從前舊有者莫不序

一

重加編次其後來繼起者特爲斟酌續增閱三月而書始成雖不能燦然大備可以繼已往而著來茲庶可俾後之宰斯邑者一覽周知且爲人之生斯地者資以漸摩豈曰墨子彈丸不足見一道同風之盛哉若乃擅操筆削潤色文章則憲謝不敏矣敬俟後之君子

道光十一年歲次辛卯仲夏月邑令應山楊鼎憲書

原跋

一事而有功無罪者其惟誌乎一事而功與罪俱者其爲誌乎何言之事有邪正則有是非有是非則功罪俱事有賞罰則有恩怨有恩怨則功罪俱而誌則否誌於人物拔其尤者於謠俗表其美者於文翰錄其醇者而於一切瑣屑細務弗堪揚扃之事則畧而不書誌不亦有功而無罪乎夫立乎百年以後慮其散軼憂其荒墜一旦集數人之長盡數日之能事而遂使三二年內之人與物無美不彰無幽不顯繁惟諸君子之功然使闔邑

跋

之名公鉅卿端人吉士與風俗之貞良土壤之昭曠朗如列星皎如杲日而間有畸行異節苦志貞魂或年遠而湮沒不傳或力微而無以自振率滅沒於數傳之後散失於兵燹之餘如螢光石火倏忽泯滅不得與杲日列星亘古今而常明者實爲余拙吏罪嗟呼謂見功而不見罪者誌乎抑見功而亦見罪者誌乎且夫事之應有功而無罪卒不獲有功而無罪者獨一誌爲然乎則余又將何以告無罪於

君親乎

大清康熙三年歲在甲辰孟冬月大雪前一日
賜進士出身文林郎知博平縣事陞戶部浙江司主事堵

嶷撰

跋

二

博平縣志序

古者分建萬邦牧養億兆凡公侯伯子男之國各立史官以紀行事土地之圖掌於大司徒及職方氏以辨地域廣輪及其人民財用穀畜之數以周知其利害其上下之志四方之傳道政事則有訓方氏道之誦之小行人又蒐輯爲書以上於天子故其時列國之事昭然若指諸掌用以採風布教因俗制宜甚盛治也秦有天下盡列國而郡縣之漢有地理及郡國志志地輿因革物產習尚然畧而弗詳今之郡縣猶古諸侯也今郡縣志序一

猶古列國之史也志之與史異者史簡志詳史紀行事善惡志則以疆域山川爲主兼及於政治人物蓋取周官遺意而其例一本之司馬及班氏書第脩志者守土之職而守土者少久任率不一二歲輒遷去其久於是土者又卒卒於簿書期會間未暇理學士業而欲纂輯舊聞以裨治道難矣博平故聊攝地也廣袤數十里無名山大川之限然禹跡孔轍舊傳名踪又當

聖澤涵濡休養日久生齒亦日盛觀風問俗者咸資考鏡焉邑故有志脩於康熙三年迄今百數十載矣邑侯應

山楊君以制科高等出宰茲土政明化洽發墜具舉懼
志久不脩一邑文獻日就蕪沒廼網羅散佚以續前書
志成屬予序之楊爲應山名族侯之先明贈太子太保
忠烈公在熹宗朝抗權璫死直諫名節留天壤余曩時
視學楚北訪其族姓憑弔其遺跡低徊不能去因知侯
家居素行久洽鄉評未幾相見京師又同官茲土耳其
其循聲蒞博平甫經一載卽能考古準今補舊志所未
備以爲達志通欲之本侯誠忠烈賢裔哉志列地圖及
山川田賦卽大司徒及職方氏所掌也其載官師人物
序一

二

土俗民風時政諸目卽訓方氏所誦道及小行人所上
書也侯以史才脩邑志文簡事賅當非他志所及而尤
致意於賦役之科則忠孝節義之幽懿其勤撫字厚風
俗又可知矣余羨侯仕學兼優爲博邑幸竊願爲宰者
蒐輯志乘以勤民事一如侯之用心土瘠則勿以催科
迫之土沃則必以禮制裁之民悍則繩之以法民樸則
澤之以文庶以副

聖天子建牧立宰惠養元元之至意其有造於斯民者豈
淺鮮哉

道光十一年夏六月既望

賜進士出身朝議大夫知山東濟南府事前掌河南道
監察御史翰林院編修廣西福建湖北主考官提督湖
北學政廬陵王贈芳撰

序一

三

舊志修輯姓氏

知縣 事無錫華汝梅 編次

吳堡知縣 邑人馮 訓 撰輯

舊志修輯姓氏

知縣 事漢陽堵 嶷 重纂

教 諭孔貞崑 較閱

進士 荏 平張 翁 補修

沅陵知縣 邑人張至善 彙集

貢士 傅學元

博平縣志

卷一

傅允誠

劉呈瑞

劉 滄

傅作霖 同修

生員 岳支桂

李人豸

王 位

謝夢卜

閻 幾

李規中

王瑗

王璜 編輯

典史李猶龍 董梓

道光十一年重修縣志姓氏

知縣 事應山楊祖憲 重輯

教諭王以忠 同修

訓導山會清

典史周淇

博平縣志

卷一

二

城守朱永長

卽用知州烏竹芳 纂輯

戊子舉人李玉相

辛酉拔貢桑蔭青

丙子歲貢竇榮俎

貢生郭開基

馮懷寶

壬辰舉人高岐 補修

廩生王維城

廩貢烏荷芳

貢生李楓林 採訪

廩生張公木

袁於智

文生張雲路

岳清堂

袁繼昌 收掌

李豐年

張鵬翥

博平縣志

卷一

三

王棟

劉士奎

房秉仁

廩生楊廷桓 較閱

王華廷

蘇蘭亭

何九經

劉雲岫

文生傅其梓

從九鄭蘭芳

董梓

乙未科舉人劉鳳詡

修補

廩生任鵬展

傅鳳啣

李泰塔

博平縣志目錄

卷之一

星野辯 歲運譜 機祥考 祀典紀 地輿考

卷之二

疆域圖 山川紀 勝景錄 古蹟考 田賦籍

村落紀 城宇圖 壇廟紀

卷之三

官師表 選舉表

卷之四

宦業傳 人物傳 孝義傳 節孝紀 馳恩考

卷之五

土俗紀 民風解 時政論 藝文錄

卷之六

藝文錄 動植錄

博平縣志

卷一 目錄

五

